

冊九

時務報

第四十九冊

18
214
49



214
49

時務報

光緒二十三年十二月初一日

第四十九冊

THE CHINESE PROGRESS

光緒二十三年十一月十九日

時務報第四十九冊目錄

湖南時務學堂學約十章

新會梁啟超撰

恭錄 諭旨

德國總兵克馳馬論中國陸路礮位稟上南洋大臣

德國總兵克馳馬擬整頓教習陸軍章程上南洋大臣

西文譯編

湘鄉曾廣銓譯

中國時務 摘論膠事

膠事雜述 德國兵艦占據膠州告示 論中國時務 論中國國貨款 二則 論中國延請俄國武員 論外人謀去赫德 香港臬司判

甯州船案 外國時務 請添英國陸軍兵額 論英國首相退位 日本細新守舊兩

論信隆行 法國農務 印度茶業商務 英國郵政局 中外雜誌 路透電音 論日本錢幣情形

三十四次歲報

英俄在中亞細亞茶務情形

日本古城貞吉譯

東文報譯

日本古城貞吉譯

諸新報論德據膠州事

德據膠州之由 記三沙灣形勢 中人憤言 俄德

關繫 論德皇外交 續第四十八冊 暹羅貿易情形

會報

續第四十八冊

暹羅貿易情形

不纏足會博議 續第四十七冊

會審信隆租船全案

譯上海西字文滙報 續第四十八冊

桐鄉張坤德譯

湖南時務學堂學約十章

新會梁啟超撰

一曰立志。記曰：凡學士先志。孟子曰：士何事？曰：尚志。朱子曰：書不熟，熟讀可記，義不精，細思可精，惟志不立，天下無可為之事。又曰：學者志不立，則一齊放倒了。今二三子，儼然服儒者之服，誦先王之言，當思國何以蹙，種何以弱，教何以微，誰之咎歟？四萬萬人，莫或自任，是以及此，我徒責人之不任，我則盡任之矣。已欲立而立人，己欲達而達人，天下有道，即不與易。孔子之志也，思天下之民，匹夫匹婦，不被其澤，若己推而納之溝中。伊尹之志也，如欲平治天下，當今之世，舍我其誰？孟子之志也，做秀才時，便以天下為己任。范文正之志也，天下興亡，匹夫之賤，與有責焉。顧亭林之志也，學者苟無此志，則雖束身寡過，不過鄉鄰自好之小儒。雖讀書萬卷，祇成碎義逃難之華士。此必非良有司與鄉先生之所望於二三子也。朱子曰：立志如下種子，未有播莠稗之種，而能穫來牟之實者。科第衣食，最易累人。學者若志在科第，則請從學究以游，若志在衣食，則請由市僧之道，有一於此，不可教誨，願其戒之。先立乎其大者，則其小者不能奪也。此為大人而已矣。立志之功，課有數端，必須廣其識見，所見日大，則所志亦日大。陸子所謂今人如何便解有志，須先有智識始得，此一端也。志既立，必養之，使勿少衰，如吳王將復讎，使

人日踞其側曰。而忘越人之殺而父乎。學者立志亦當如此。其下手處。在時時提醒。念茲在茲。此又一端也。志既定之後。必求學問以敷之。否則皆成虛語。久之亦必墮落也。此又一端也。

二曰養心。孔子言仁者不憂。智者不惑。勇者不懼。而孟子一生得力。在不動心。此從古聖賢所最兢兢也。學者既有志於道。且以一身任天下之重。而目前之富貴利達。耳目聲色。游玩嗜好。隨在皆足以奪志。八十老翁過危橋。稍不自立。一落千丈矣。他日任事。則利害毀譽。苦樂生死。莫不戢亂。其所以相撼者。多至不可紀極。非有堅定之力。則一經挫折。心灰意冷。或臨事失措。身敗名裂。此古今能成大事之人。所以希也。曾文正在戎馬之間。讀書譚學如平時。用能百折不回。卒定大難。大儒之學。固異於流俗哉。今世變益亟。亂機益劇。他日二子所任之事。所歷之境。其艱鉅厄苦。視文正時。又將過之。非有入地獄手段。非有治國若烹小鮮氣象。未見其能濟也。故養心者。治事之大原也。自破碎之學盛行。鄙夷心宗。謂為逃禪。因佛之言心。從而避之。乃並我之心。亦不敢自有。何其值也。率吾不忍人之心。以憂天下。救眾生。悍然獨往。浩然獨來。先破苦樂。次破生死。次破毀譽。記曰。國有道不。變塞焉。強哉矯。國無道。至死不。變強哉矯。孟子曰。富貴不能淫。貧賤不能移。威武

不能屈。此之謂大丈夫。反此卽妾婦之道。養心之功課有二。一靜坐之養心。二開歷之養心。學者在學堂中。無所謂開歷。當先行靜坐之養心。程子以半日靜坐。半日讀書。今功課無迫。未能如此。每日亦當以一小時。或兩刻之功。爲之。靜坐時。所課亦分兩種。一斂其心。收視返聽。萬念不起。使清明在躬。志氣如神。一縱其心。徧觀天地之大。萬物之理。或虛構一他日辦事艱難險阻。萬死一生之境。日日思之。操之極熟。亦可助開歷之事。此是學者他日受用處。勿以其迂闊而置之也。三曰治身。顏子請事之語。曰非禮勿視。非禮勿聽。非禮勿言。非禮勿動。曾子將卒之言。曰定容貌。正顏色。出辭氣。孔子言忠信篤敬。蠻貊可行。斯蓋不得以小節目之也。他日任天下事。更當先立於無過之地。與西人酬酢。威儀言論。最易見輕。尤當謹焉。掃除習氣。專務篤實。乃成大器。名士狂態。洋務羶習。不願諸生效也。治身之功課。當每日於就寢時。用曾子三省之法。默思一日之言論行事。失檢者幾何。而自記之。始而覺其少。苦於不自知也。既而覺其多。不可自欺。亦不必自餒。一月以後。自日少矣。

四曰讀書。今之服方領習矩步者。疇不曰讀書。然而通古今。達中外。能爲世益者。蓋鮮焉。於是儒者遂以無用聞於天下。今時局變異。外侮交迫。非讀萬國之書。則不

能通一國之書。然西人聲光化電。核算之述作。農礦工商史律之紀載。歲出以千萬種計。日新月異。應接不暇。惟其然也。則吾愈不能不於數十寒暑之中。畫出期限。必能以數年之力。使學者於中國經史大義。悉已通徹。根柢既植。然後以其餘日。肆力於西籍。夫如是而乃可謂之學。今夫中國之書。他勿具論。即如注疏兩經解。全史九通。及國朝掌故官書數種。正經正史。當王之制。承學之士。所宜人人共讀者也。然而中壽之齒。猶懼不克卒業。風雨如晦。人壽幾何。若從而撥棄之。則所以求先聖之道。觀後王之迹者。皆將無所依藉。若率天下人而從事於此。靡論難其人也。即有一二劬學之士。斷斷然講之。而此諸書者。又不過披沙揀金。往往見寶。其中精要之處。不過十之一二。其支離蕪衍。或時過境遷。不切於今日之用者。殆十八九焉。而其所謂精要之一二者。又必學者於上下千古縱橫中外之學。深通有得。旁通發揮。然後開卷之頃。鉤元提要。如有所獲。苟學識不及。雖三復若無覩也。自餘羣書數倍此數。而其不能不讀。與其難讀之情形。亦稱是焉。是以近世學者。雖或瀏覽極博。掣究極勤。亦不過揚子雲所謂繡其輓轡。劉彥和所謂拾其芳草。於大道無所聞。於當世無所救也。夫書之繁博而難讀也。既如彼。其讀之而無用也。又如此。苟無人董治而修明之。吾恐十年之後。誦經讀史之人。殆將

絕也。今與諸君子共發大願。將取中國應讀之書。第其誦課之先後。或讀全書。或書擇其篇焉。或讀全篇。或篇擇其句焉。專求其有關於聖教。有切於時局者。而雜引外事。旁搜新義。以發明之。量中材所能肄習者。定為課分。每日一課。經學子學史學。與譯出西書。四者間日為課焉。度數年之力。中國要籍。一切大義。皆可了達。而旁證遠引。於西方諸學。亦可以知崖畧矣。夫如是。則讀書者無望洋之歎。無歧路之迷。而中學或可以不絕。今與二三子從事焉。若可行也。則將演為學校報。以質諸天下。讀書之功課。凡學者每人設劄記一冊。分專精涉獵兩門。每日必就所讀之書。發新義數則。其有疑義。則書而納之待問。俾以待條答焉。其詳細功課。別著之學校報中。

五日窮理。瓦特因沸水。而悟汽機之理。奈端因蘋果落地。而悟巨體吸力之理。侯失勒約翰因樹葉。而悟物體分合之理。亞基米德之創論水學也。因入盤浴而得之。葛立里尤之製遠鏡也。因童子取二鏡片相戲而得之。西人一切格致製造之學。衣被五州。震轢萬國。及推原其起點。大率由目前至粗極淺之理。偶然觸悟。遂出新機。神州人士之聰明。非弱於彼也。而未聞有所創獲者。用與不用之異也。朱子言大學始教。必使學者。即凡天下之物。莫不因其已知之理。而益窮之。以求至乎

其極近世漢學家笑之謂初學之人豈能窮凡物之理不知智慧日濬則日出腦筋日運則日靈此正始教所當有事也特惜宋儒之所謂理者去實用尚隔一層耳今格致之書畧有譯本我輩所已知之理視前人蓋有加焉因而益窮之大之極恒星諸天之國土小之及微塵血輪之世界深之若精氣游魂之物變淺之若日用飲食之習睹隨時觸悟見淺見深用之既熟他日創新法製新器闢新學皆基於是高材者勉之窮理之功課每剛日諸生在堂上讀書功課畢由教習隨舉目前事理或西書格致淺理數條以問之使精思以對對既徧教習乃將所以然之理揭示之

六日學文傳曰言之無文行而不遠學者以覺天下爲任則文未能舍棄也傳世之文或務淵懿古茂或務沈博絕麗或務瑰奇奧詭無之不可覺世之文則辭達而已矣當以條理細備詞筆銳達爲上不必求工也溫公曰一自命爲文人無足觀矣苟學無心得而欲以文傳亦足羞也學文之功課每月應課卷一次

七日樂羣荀子曰人之所以異於禽獸者以其能羣也易曰君子以朋友講習曾子曰君子以文會友以友輔仁直諒多聞善相觀過相規友朋之益視師長有加焉他日合天下而講之是謂大羣今日合一堂而講之是謂小羣杜工部曰小心事

友生但相愛毋相妒但相敬毋相慢集衆思廣衆益學有緝熙於光明樂羣之功課俟數月以後每月以數日爲同學會議之期諸生各出其劄記冊在堂互觀或有所問而互相批答上下議論各出心得其益無窮凡會講以教習監之

八日攝生記曰張而不弛文武不能也一張一弛文武之道也故君子之於學也藏焉修焉息焉游焉西人學堂咸有安息日得其意矣七日來復先王以至日閉關商旅不行此古義之見於經者殆中西同俗也今用之起居飲食皆有定時勿使過勞體操之學采習一二攝生之功課別具堂規中以上八條堂中每日功課皆立自平時故并著之

九日經世莊生曰春秋經世先王之志凡學焉而不足爲經世之用者皆謂之俗學可也居今日而言經世與唐宋以來之言經世者又稍異必深通六經制作之精意證以周秦諸子及西人公理公法之書以爲之經以求治天下之理必博觀歷朝掌故沿革得失證以泰西希臘羅馬諸古史以爲之緯以求古人治天下之法必細察今日天下郡國利病知其積弱之由及其可以圖強之道證以西國近史憲法章程之書及各國報章以爲之用以求治今日之天下所當有事夫然後可以言經世而游歷講論二者又其筭鑰也今中國所患者無政才也記曰授之以

政不達雖多亦奚以爲。今中學以經義掌故爲主。西學以憲法官制爲歸。遠法安
定經義治事之規。近采西人政治學院之意。與三子共勉之。經世之功課。每柔
日堂上讀書功課畢。由教習隨舉各報所記近事一二條。問諸生以辦法。使各行
所見對既徧。然後教習以辦法揭示之。凡在堂上問答皆以筆譚
十曰傳教。微夫悲哉。吾聖人之教之在今日也。號稱受教者四萬萬。而婦女去其半
焉。不識字者又去其半之半焉。市僧胥吏又去其半之六七焉。帖括賤儒又去其
半之八九焉。此誠莊生所謂舉魯國皆儒服。而真儒幾無一人也。加以異說流行。
所至強聒。挾以勢力。奇悍無倫。嗚呼。及今不思自保。則吾教亡無日矣。今設學之
意。以宗法孔子爲主義。子貢曰。不得其門而入。不見宗廟之美。百官之富。彼西人
之所以菲薄吾教。與陋儒之所以自蔑其教者。由不知孔子之所以爲聖也。今宜
取六經義理制度。微言大義。一一證以近事新理。以發明之。然後孔子垂法萬世。
範圍六合之真。乃見。論語記子欲居九夷。又曰。乘桴浮於海。蓋孔子之教。非徒治
一國。乃以治天下。故曰。洋溢中國。施及蠻貊。凡有血氣。莫不尊親。他日諸生學成。
尙當共矢宏願。傳孔子太平大同之教於萬國。斯則學之究竟也。傳教之功課。
在學成以後。然堂中所課一切。皆以昌明聖教爲主義。則皆傳教之功課也。

諭旨恭錄

十月十五日奉 上諭此次 慈禧端佑康頤昭豫莊誠壽恭欽獻崇熙皇太后萬
壽慶辰筵宴喜起舞大臣扎拉豐阿芬車均著賞給蟒袍一件頭等侍衛公載鉞頭
等侍衛訥欽泰卓凌阿均著交部從優議叙頭等侍衛伊立布文璞均著賞給二品
頂戴二等侍衛溥塹全福容斌吉順志和富祥均著升爲頭等侍衛三等侍衛載光
崇興錦良漣泉景麟漣和烏拉喜春恩福均著升爲二等侍衛四等侍衛松海著升
爲三等侍衛二等侍衛英茂頭等侍衛全福二等侍衛富山均著交部從優議敘欽
此○十六日奉 上諭御史秀林等奏稽查入關時刻開單呈覽並外簾官逾時尙
未入關各摺片本科順天武鄉試外簾官工部主事汪贊綸因何不入關之處著該
部查明辦理單併發欽此○又奉 上諭饒應祺奏新疆左宗棠專祠請頒匾額等
語封疆大吏陳奏事件豈容稍涉附會乃饒應祺輒以荒誕不經之語登諸奏牘實
屬非是饒應祺著傳旨申飭所奏著毋庸議欽此○又奉 上諭奉天府府丞兼學
政李鴻逵奏假期已滿病仍未痊懇請開缺一摺李鴻逵著准其開缺欽此○十七
日奉 上諭昨日道旁叩關之福建監生岳步蟾著交刑部嚴行審訊欽此○又奉
上諭奉天府府丞兼學政著貴賢調補欽此○十八日奉 上諭陳學棻現出學

差戶部右侍郎兼管錢法堂事務著徐用儀兼署欽此○十九日奉 旨兵部司務
著許惟善補授湖北鹽法武昌道著孟繼燠補授廣西永康州知州著黃希尙補授
福建延平府上洋通判著楊和培補授安徽休甯縣知縣著葉在壘補授山西垣曲
縣知縣著羅廣煦補授翰林院筆帖式著書縉補授起居注筆帖式著繼昌補授戶
部筆帖式著奎英補授起居注筆帖式著梁照補授刑科給事中著胡蕙馨補授江
西道監察御史著榮壽補授山東道監察御史著何乃瑩補授江西道監察御史著
韓培森補授特用候選主事鮑祖恩著以主事即補保舉浙江候補知縣張大鏞湖
北候補知縣陳福謙截取國子監學正戚朝勳俱照例用擬補南城兵馬司吏目戴
式榮著准其補授兩廣淡水水場鹽大使王懋昭著照例用工部郎中著綽普補授禮
部漢字堂主事著榮元補授禮部主事著連陞補授盛京戶部主事著鍾華補授京
察官 泰陵禮部員外郎默爾格春 慕陵工部員外郎伊里布 泰陵禮部贊禮
郎額勒亨額俱准其一等加一級 昌陵禮部贊禮郎裕林著照舊供職欽此
德國總兵克馳馬論中國陸路砲位稟上南洋大臣 此稿照傳鈔本
錄入其間不免舛誤閱者諒之
謹將中國陸路應用何種砲位情形分晰繕摺恭呈鈞鑒

計開

若一國用陸路砲位有兩種情形一視某地面有無馬路二視有何牲口能走之路
總論各國想用很得力之砲須要處處能用與地勢相宜若陸路用砲必須砲身日
徑子彈大小輕重相合視其地勢平坦或山路崎嶇如何情形定用何種之砲其砲
之子彈亦必視其何樣道路再定若干出數

在中國北洋雖有數處大道尚無外國許多網形之地中國之路不過四尺寬為走
車之用在有山之地尚無此寬路中國尋常之車係單套者若拉重貨可加一二牲
口目前中國之車僅可在車路走不能越田地而行因中國田地四面皆有水溝而
外國之車隨意可在車路田地并無阻隔故中國用砲必測算何樣道路牲口能拉若
若干重數

若山道無車路可用騾馱之砲即過山砲可將砲件分開馱運必視其一騾能馱若
若干若有車路即用馬拉之砲如中國要用牲口拉之砲可用一牲口駕轆三牲口在
前排拉其外國所用六馬所拉之砲在中國用之道路太窄且亦笨重

中國大車重二百五十斤能拉一千二百五十斤合計一千六百斤用四匹牲口即
每牲口能拉四百斤如此在陸路砲亦足用矣似此即可算出砲身子彈之斤重每
牲口能馱若干重之砲件矣若此五生特七砲帶二啟羅七十二分之子彈足可馱

運如礮位再小。恐不得力。若要得力之大礮。在中國路上。不甚合用。而外國所用陸路之礮。比五生特七口徑大。比一千二百啟羅重。因該處道路寬大。田地無阻隔之虞。

再言運礮之法。以上所論。乃驟子馱運。每驟能馱一百七十五啟羅。為其常久馱之。若購礮須視驟子能分馱礮身。礮架子。藥箱等件者。即此五生特七二十倍口徑長之礮。足可合式。如礮身長。照樣口徑之礮。則礮身重。驟子不能馱運。若礮身再短。亦係不佳。因有子彈出礮口。藥未灼完之弊。譬如用七生半口徑過山礮。礮身僅能作十三倍口徑長。不過一百啟羅重。此礮之子彈速度。得力比五生特七二十倍口徑之礮較小。其兩礮比較列下。

五生七子彈重	二啟羅七十二分	出口速率	二百五十
七生半子彈重	四啟羅三十分	出口速率	二百

密達。再二千五百密達之遠處。速率二百一十四密達。礮可容二十度昂度。能打達四千八百五十密達。視此五生特七之礮。比七生特半礮之速度。遠處皆大。
五生特七礮尚有好處。係新樣快礮。用子母彈。更得力。因子母彈內小球皆帶有渣力。此子出口平行。其子散開地方較大。與敵人有險。其七生半礮速率。小子出口由上至下。其子散開地方較小。僅在一處。
再五生特七之礮好處。乃快礮也。快礮固然好。因快有殼快。有太快。不可隨意亂用。

何謂太快。因為時過促。不及驗表。以致不能每次定準。引信時候秒數。及每次開花炸處對否。並打中與否。能如此愈快愈好。然不可過幾分鐘之久。緣即或對敵用此快時亦很少。總以細細放之為妙。即此快礮。每一分鐘。可細放六出為安。每定一引信。有十秒鐘。出數更多。為虛費子彈。毫無用處。

有六尊礮之礮隊。每礮每一分鐘。放六出。此礮隊每分鐘能放三十六出。在外國亦稱足用。每分鐘即一百八十出。每出皆細打。每子內有小球七十個。核計五分鐘。即能放一萬二千六百個小球。如此放法。如果打中。無論如何。定能獲勝。

此五生七快礮。用一個上下開關。當礮底之礮門。一關即放。比別國之法皆強。因別國礮門。用螺絲關門。有險。倘一亂用。礮門即由礮後打出。

陸路快礮。要緊者是礮架車。有礮架能當退力者。礮每放一出。退後走八九步遠。若再放。又往前拉再裝。若此不為快礮。現在外國為擋退力。試過許多法。有用水力機者。在水師海臺大礮。皆用水力機擋退力。頗為合用。取其礮架不受阻碰之力。在陸路小礮。則此法不行。因水力機價昂笨重。容易銹壞。塵沙侵蔽。諸多不便。有一法。頂住車輪。不能轉動。此法亦不見佳。因放礮時。礮能跳動。最好者。礮與土地相合。現出新法。在礮架後尾。有兩鋸形。向後坡。礮一退。鋸即入土擋住。此法在克鹿卜試驗。最

為合用。

快礮應用無烟藥亦要連銅壳之子藥無烟藥好處甚多。取其敵人不易覷視。若有烟我軍不易瞄準。往前遠視其銅壳子藥好處。取其裝礮則子藥齊裝銅壳底。即當鋼圈鋼底。比從前容易開放。以上所陳五生七二十倍口徑礮之好處。另有所照之圖。視之便知。

細論尚有幾款。礮身長四尺六寸。礮身重一百零二啟羅。計關重一百六十八斤。礮門開關。用一上或一下。不用兩回開門。若慢放可用繩拉放。要快放一關門即放。一開門則前用銅壳。即由後帶出其礮架車。係鋼甲所做。重一百六十三啟羅半。計關重二百七十斤。一牲口可馱。但太長。不便馱運。故分作兩件。何以礮架用如此長。因從前礮架身短。放礮時礮向後翻。現在礮架身長。用其礮架角小。不易翻動。礮架讓礮身。昂角至多二十度。俯角至多十度。

兩輪相距七百密里。計二尺。礮身平中線離地八百密里。計二尺五寸。一分。此礮架合卸甚易。一手即成。礮架分為三件。一前段並車軸。二後段。三兩輪。

馱運礮架分法。第一牲口馱礮身帶礮門。礮門套礮口塞。計重一百零四啟羅。合一百七十二斤。第二牲口馱礮架前段帶軸車轆。計重七十四啟羅半。合一百二十三

斤。第三牲口馱礮架後段並輪子。計重九十八啟羅半。合一百六十三斤半。

所用子彈。係開花子。子母彈。羣子。三宗。與銅壳藥皆在一處。三宗最要者。係子母彈。為攻陸軍之用。每彈內七十小球。每子彈重連引信二啟羅七十二分。合四斤半。每銅壳子藥共重三啟羅六。合六斤十五兩。此宗子藥。每六出。裝一箱。共重二十五啟羅。合四十二斤零。每牲口馱四個箱。計重一百六十八斤有奇。所有礮架。皆係預備極妥。上下牲口取用。攻敵甚便。在天津親兵前營王統領處。見有此礮。礮放完時。裝在牲口背上。祇用一分半鐘工夫。卸下牲口時。不過二分半鐘工夫。如果在攻敵時。不走遠路。可以不必馱運。因每礮已有車轆鉤在礮架尾。則礮身之牲口。即可拉運矣。因鞍子上有車轆之套。故也。

以上所視中國地方情形。若用陸路礮位。最合用者。莫過五生七二十倍口徑長礮。前所陳因無馬路。故用陸路小礮。如有地方較大者。亦可用些大礮。即用馬拉之礮。礮身長口徑大。得力亦大。假如敵人由何處來。如知之。先預備修理能行馬拉之礮。路。為此情形。克鹿卜新做兩宗新礮。一係七生特半路行快礮。二十四倍口徑長者。二係十生特半好。惟則打灣線短礮。其七生特半礮。係各國所用最新陸路之礮。礮身重二百七十五啟羅。礮架重三百九十啟羅。連零件共重一千三百五十啟羅。尚不

爲笨重其子彈重五啟羅子母彈內有一百七十箇小球出口速率四百五十密達亦爲力能打中到六千密達遠亦係快砲在砲架有指退力傢具

前兩宗小砲皆係打直線之砲另外須備有打灣線之十生特半陸路好惟則砲在攻敵時敵人必有護身之物直線之砲不能擊中必用灣線之砲以擊之爲此十生特半好惟則砲最爲得力也此陸路砲能三十度落角其子彈重二十六斤半每子母彈內有二百箇小球最爲得力其重數亦不過外國馬拉陸路砲之重數總論中國各省陸路砲隊皆須用五生七過山砲其守城海口要隘輔助砲臺則用七生特半砲及十生特半陸路好惟則砲方爲合用

光緒二十一年三月
西歷一千八百九十六年五月

日克馳馬呈
號
上南洋大臣

德國總兵克馳馬擬整頓教習陸軍章程

中國各省前有德國教習訓練士卒該教習皆按德國陸軍教練原望其操練齊整以期應敵雖然按章操練終未作到地步現在中國各處又按舊章練兵需款甚鉅總無進益仍屬復蹈故轍卽或兵精器利若無領官及大小隊長則不能成軍所有各軍不論分營或分隊必須歸一人管轄以一事權該領官及大小隊長等最要者非才高智廣精通調度用兵之法者不可現在中國士卒尙稱強幹然先不能充當

帶兵之任必須經練之後方能勝任蓋分練士卒合成一軍亦屬不易泰西各國各處設立各種武備學堂訓練官弁其費頗鉅學業期滿次第派委後仍按期回堂溫故習新蓋國家既出鉅款培養人材應以此爲貴重故此官弁以至兵勇方能用命如德國及泰西各國皆器重武職凡官弁遇有缺出必檢選在堂在營操練有年規矩本分之人推升其帶兵官最爲貴重德國親王太子從幼年皆學習帶兵官之事故國家定章必指明不論官商子弟皆能入伍若中國整頓軍務須要一齊全備各省皆歸一律由漸而入自收實效如此辦理須派一大員總理軍務處該員非才識兼優者不能膺此重任此人必由德國聘請至京總理軍務處定立章程按法訓練始終如一不能稍懈除此大員之外再請才藝淵博之德員數人輔助辦理創立章程後分省訓練該大員祇能歸 聖上管轄別人不得干預所有定章議妥奏明 聖上批准後卽行照辦以歸一律譬如一國若要從新整頓軍務者必按此章試辦照德國初創陸軍先派領官該員係揀選世家子弟訓練一切以爲根基初起整頓須設立武備習戰學堂招選學生一百名學成後充當領官所有德國官弁皆係學堂出身茲將武備習戰學堂所學各技列於稟尾除該堂之外須設立什長學堂招募二百名俟學領官及什長等學業有成派委訓練新兵該兵由十八歲至二十歲爲

止。初則分隊而後成營。該營所需領官一員。什長數名。必須由學生中選派。倘學堂學生出堂。已經派差。再續招新生進堂。似此陸續訓練。學生什長。以及新兵分隊分營。而後即可成軍。如軍已成。必經德國教習考試。畢業之學生。取其技藝較優者。奏明。聖上。保爲該軍之領官。如三千或六千兵之大軍。必須派統帶一員。該員須要智高才廣。精熟武備者。經總理軍務處考試後。方能充當。另選派一員。曾經考試者。充當營務處之任。如此。徐圖整頓。陸軍所有一處。已學過之學生。曾經充當領官者。亦能到別省充當教習之職。按此辦理。而中國成一大軍。足資禦敵。按德國武備習戰學堂章程。十箇月後。畢業考試。一次。後方能升官。再學堂總辦。非資格最深者。不能充當。堂內教習。皆要先輪武員充當。然學生出堂時。皆歸年輕教習訓練。學堂學生額數。係一百名。所學諸業。列後。堂內課。係治兵之法。軍械用法。武藝戰術。臺壘橋梁。測繪地圖。武營書札。堂外課。係操練乘馬。舞刀劍法。操練身法。操演步隊。砲隊。槍砲射放。習練游泳。該生分爲四班。每班廿五名。每月小考一次。十月畢業後。大考一次。按次序揀選升官。該生之年貌。必選年在十五六歲者。先學德文。英文。法文。地輿算學等類。畢業得有學堂學照。方能選入武備習戰學堂。以上所陳。係德國武備學堂情形。以爲式樣。如欲按此整頓。遇有要件。克馳馬可以効力輔助。詳細陳論。

西文譯編

湘鄉曾廣銓譯

中國時務

摘論膠事

中國國家。急欲德兵退讓膠州。已將以下所列各條。允許德人。一允賠被害教士恤款。二允於被害之處。重修教堂。三允償德人占據膠州所用兵費。四允將山東巡撫李秉衡革職。永不叙用。五允將行兇各犯。科以最重之罪。六允讓德人在山東得意。外利權。按照西曆一千八百九十五年六月二十號。即光緒二十一年五月二十八日。中法訂立專約。第五款所載。將來中國開辦雲南。廣西。廣東三省礦務。儘可延請法國礦師之言爲式。如將來山東境內。中國有開辦煤礦。及製造鐵路等事。一律歸德人承辦。

中國用此法以解兵圍。最爲相宜。而以前德人藉端據膠。謠言謂將永遠霸佔之疑。亦可釋然。自此以後。如再有疑德人前項之處。是真不知德人用意矣。惟由後觀前。我等之意。似乎德人舉動。有太急之處。據本月二號路透來電。謂此次派兵占據膠州。非僅爲索賠起見。因教士死傷甚慘。欲藉此禁止將來。不再有此等可憫之事云云。頗覺頭緒毫無。令人費解。蓋天下事。總須先禮後兵。今德人並未有索賠之言在。

先而中國亦並未有不允之言出口。雖有教士被狀究係無故動兵。顯違萬國公法。按中德於一千八百六十一年時所立天津條約第三十六款。載明中國官員應隨時妥為保護德人。身家產業並保其不受傷侮。遇有火燬盜搶之事。是處地方官應即遣兵彈壓驅散。並捉拿首犯。從重治罪之言。今鬧事後。並未聞山東李撫台有不願保護之意。且該巡撫一接警信。即傳諭藩司。馳赴兗州。料理此案。並飭將犯事之人就地正法。辦理不可為不速。既有如此情形。似更不應派兵登岸。至嗣後倫敦本月七號來電。謂德國外部大臣。議論占據之事。有德人每受中國之虧。雖願與中國敦睦交誼。然萬不能任中國看待德人。有與他國差池之處云云。更屬奇談。夫我等旁觀所知。中國看待德人。素較他國為優。此次鬧教傷人。殆因看待之優所致耶。又有謂德兵據膠。是俄人指使。此言甚不可信。大約係深心人所捏造。所慮者中國償款之後。德人如約退兵。是處砲臺。中國勢必重修。一旦修成。又將為俄覬覦耳。回憶福建古城鬧教一案。英人並未如此認真辦理。如果仿德所為。利益良多。然英人之不願為此者。因恐華人視西人之無理相關。與盜無異。勢必傳為口實。揣想此層。目下德國駐京使臣。應向政府表明。不致貽議將來也。德人此次退讓。頗有人為之惋惜。且有謂其不應允許者。然此事於我英人。深有利

益。蓋各國擬想瓜分中國之事。我等但願其愈遲愈妙也。雖然我英人縱不欲有此變端。而亦不能任俄人獨攬事權也。以上譯北中國每日報西十二月九號

膠事雜述

上海中國分會。昨日聚議。目前時勢。於英國有無傷害。當將所議各條。電達英國及駐京英使。香港分會等處矣。

往來上海膠州之電線。時有阻礙。以致目前駐膠德兵。作何舉動。無從知曉。其天津至膠之電線。現由德人傳用。其膠州至上海之電線。現由華人傳用。

據中國新聞報云。膠州統領章高元軍門。現被德人留阻。因日前軍門帶領親兵四人。往謁德水師提督。責其不應奪口開釁。致被留阻。未能回營。聞其營約離膠州有二十餘里之遙云。

有華人從膠州陸路回申。述及統領章高元被留一事。實因不與德人會銜出示之故。當其被留之時。係在德國兵船數日後。即派兵送至離膠州灣六里遙之口岸。縱令回營。并據同去之親兵云。伊四人並未受苦。惟統領當初至時。曾被閉入暗艙。又云。回營後。統領即電達北京。請旨攔阻德兵。而東撫李中丞。反參其臨陣退縮。請照軍法從事。以儆效尤。殊屬舛誤。按統領素具才幹。不獨駐節以來。標下兵弁。及是

處士民均能信服。即中日肇事之時，統領管帶嵩武軍營，於遼東開仗，亦甚踴躍。彼時本報牛莊訪事人來函，謂中東一役，惟統領遇敵爭先，從無退避，頗相愛重。即明證也。蓋統領二十年前，隨征新疆克什噶時，已屢立戰功，為中國宿將，中不可多得之員，足備干城之選。而我西人亦稔知其能也。以上譯北中國每日報西十二月三號

德國兵艦占據膠州告示

管駕東方海面德國兵船水師提督棣為出示曉諭事。照得本大臣遵奉本國大皇帝諭旨，領兵上岸，將膠州灣一地，並海岸左近羣島等處，全行駐守。欽遵照辦，所應駐守界址，開列於左。計開四邊直線，自海岸起，由山東至離膠州灣水漲時水面十八里之處，從此往北大坡屯兒稅卡緯線後，至膠州河大古河二河匯流之處，往東至海岸及勞山灣中央之處，東邊一線，自北邊至勞山灣中央之處，往南自關帝廟島岸以及炸連等處，南邊一線，自炸連島至笛羅山島之南首，北至海岸西邊二處相連之處，以上等處，該歸德國駐守。茲因山東有德國教士被殺之事，應向中國昭雪。按本國所欲昭雪，當將該地為質，合行出示曉諭。為此示仰青島口等處地方各色商民人等，知悉爾等仍照常安分營生，不得輕聽匪徒謠言煽惑，查德國與中國睦誼素敦，前中日失和之時，德國為竭力救援，以示鄰好之心。現兵上岸，並非與

中國為仇，爾等不必猜疑。且德國官員，自應保護良民，俾得承平無事。所有滋事匪徒，必照中國法律嚴辦。倘有兇徒，敢將該處德人謀害者，即歸德國軍法嚴加辦理。是以本大臣再三勸勉，爾等須知凡德國不得抗拒，倘不自量力，故意抗違，不但無益，徒自招禍。但德兵駐守之處，中國一切官員，仍當循分供職，認真辦理。向後如有稟札之事，不便自言之案，該員等應呈德國巡撫住軍門衙門總兵察官核辦。至買地賣地等事，非德國巡撫允准不可。凡此務宜遵照，切切特示。大德國一千八百九十七年十一月十四日。大清國光緒二十三年十月二十日。譯西十二月十一號膠州來稿

論中國時務

據上海訪事人來函，謂上次中國向符利哲米生公司借款之事，及目前上海杭州南京三處鐵路之事，華人均以為事已成議。然證以我等所知，暨倫敦消息，皆知此兩事仍無實濟。惟觀現在中國情形，有一事將來可仿西法而行，向來中國積習，遇有國家大事，政府必派令三四人會同辦理。而此三四人又斷不能和衷共濟，且尚有自相矛盾之處。即如前年中東一役，政府所派之人，東京天津漢城北京等處，均有事權不能屬一，以致開仗後，喪船失地賠費種種

受虧幾於一蹶不振。即明驗也。然政府之所以多派人者。其用意未可厚非。以爲一人之心思有限。衆人之智識無窮。合衆人之有餘。匡一人之不逮。自必棄短錄長。而事無不濟。萬不料一權衆攬。互相牽制。債事至於此極。自受此創以來。政府始能夢醒。漸思變計。大有仿法西人之意。故知此後不致再踵前弊也。
譯太晤士報西十一月廿七號

論中國代貨款

本報前載中國向英國符利哲米生公司商借英金十六兆鎊一事。恐成畫餅。惟盛京卿如能極力挽回。則成否亦尚未定云云。乃今接北京來電。知此事已作罷論。另向滙豐銀行籌借矣。雖前次該公司駐華經理人來電。謂盛京卿曾勸其暫緩返國。並云所議之款十六兆鎊。總署現縱不議。俟伊到滬後。自應設法續議。而近據中國駐英欽使述及此事。業經總署回復。因已改與滙豐銀行商借之故。由此而觀。是中國欲借之款。至今尚無下落。夫中國如必欲行此事。非設法另籌一萬全之法。以作抵據。不可。無如歷來中國官員商借款項。與辦理政務。如出一轍。均用此處不著彼處著之法。直待事至燃眉。無暇再緩。則又不得不從速應允也。
譯倫敦中國報西十月廿九號

又

中國借款。尙無成議。總理衙門已有言。謂按照馬關和約第四款。若將兵費統行繳清。實爲不便。蓋以借貸洋款。甚爲喫虧。較多賠兵費爲尤甚。胡里之經手人。既將原訂合同所議定利息。遞行增加至五釐半。李傅相遂不願復與該公司允照前議。商量借債之事矣。嗣後上海英商滙豐銀行。請諸中國政府。即行推廣洋關之權。令其兼辦鹽課。則果有此頭等抵保。可以保此鉅債。必易成功也。乃總署不允其請。將來恐仍須費許多口舌。實因庫款支絀。終當讓出鹽課釐金一項。作爲抵償之用。
譯泰晤士報西十月三十號

論中國延請俄國武員

近得消息。謂中國國家延請俄國武員一員。爲中國贊襄武事。此事大約早有成議。惟外人至今方知。蓋聞其即日已可蒞華。如係目前延聘。行期斷不能如此之速也。俄人向於中國有大志。得此進步。固屬大好機會。而中國於此等事。向多回惑。今能毅然爲之。亦爲難得。按之當年中俄所立密約。俄人不啻如願而償。行見中外時局。又將從此一變矣。夫邇來中俄交涉之事。總總實逼處此。無異架鎗華人之首。使之不得不從。我等目擊情形。將來如有舉動。亦祇得如法而行。以爲要挾地步。噫。世變已亟。留心大局者。宜如何加意考察哉。
譯北京天津報西十二月四號

論外人謀去赫德

寶星赫德自爲中國延請總理海關稅務已歷多年相安無事邇日忽有謠傳謂俄法諸邦從中排擠欲其去位雖是否尙無實耗而我等已早料其必出於此蓋此事久爲俄法所垂涎不獨國家爲公起見恆欲據爲己有即臣下之爲私計者日求接代亦不知其凡幾審歐亞之時局察俄法之行爲恐不免終爲所奪即幸而暫時可以保守然赫君總有退時英人亦應早留地步以爲將來蟬聯之計非然者英國商務首先受虧洵可慮也向來中國積習臣工縱有百種勤勞國家恆視之泰然惟於赫德則有不同深念其公忠爲國雖有無知之人多方離間均置之不議而在赫德肩此重大之任首以聯絡中西爲事務使各國商務均受其益而後已歷觀十餘年間應興應革之事不爲不多實有令人佩服之處赫君嘗有言曰將來能將海關交卸華人與我在任無異我之能事方盡此言目下尙難如願故我等之意先須籌一善法俾繼起之人得所依從最爲要著否則赫君一朝告退海關仍一散局有害商務誠非淺鮮是則不可不加之意也

譯北京天津報西十二月二號

香港臬司判甯州船案

香港日日報載云中國政府因甯州船控告信隆一案本月一號經香港臬司升堂

下判判曰信隆行呈控索償甯州船所需水手工價又索償一千八百九十六年十二月九號止所有該船費用請爲一併追繳一案查請追之工價應由何造承認非俟審結未便下判故本公堂無此判斷之權又查原告係外國之君其所請條律內載之一千元一欸亦應知本堂無權辦理至稟請扣留該船係九龍喜稅司爲中國政府代稟如果所請扣船實於理有不足而被告又能有確據可憑本司即可爲之辦理乃不獨該船係信隆向中國委員處租來而在上海報關時報明開赴煙台出口後竟忽開走香港以致中國政府控請追船並請先行扣留是其所請扣留之處並非無理今被告既未將不應扣船之故據實證明本司礙難斷令賠償所控著毋庸議應需堂費一切悉由原告照繳此判

譯字林西字報西十二月十號

論信隆案

香港按察使 THE HON. J. M. CAHILL, Esq. 實星 嗜林 敦 於本月一號所斷信隆租船案判語實令人有難解之處第一層照此判詞無論何人均可在香港扣留輪船而且一年之期祇須賠償洋一千元果有此種律例急宜改去爲是一按察之意似乎中國被告之詞均係實情甯州輪船應爲中國之船信隆遣往香港卽有違合同三以前此案不願在香港聽斷故一面派人至上海會同查究案情乃其人尙未回復而按察卽已出判似亦不合

四中國已認信隆有將甯州開赴香港之權現各輪船有在此口岸向關領照而開至別口者亦甚多而按察則以為誑騙合觀以上各端此判詞實不公平夫信隆當時不將甯州船開赴別處而獨遣往香港者其意原欲得一公平判詞今則大違初心矣譯北中國每日報西十二月十二號

外國時務

請添英國陸軍兵額

英國新聞紙論英陸軍元帥Lord Roberts君任事後即首以請添陸軍兵額為事不為無見元帥係行伍出身於創辦軍伍整頓武備事宜最為出色今既有籌添之言我等不能不悉心考究據云際此承平之日雖不至立見兵革然增兵一事要不得視為緩圖英國常額白種兵祇有二十二萬名已連駐紮印度者在內臨時招募之兵不足十萬名此外團練義兵亦僅有四十萬名設一旦有事疆場實難與人抗衡遑論出攻義團向不臨陣即能臨陣亦祇備本國之用斷難遠調夫有戰兵必先有守兵現即以至少之數調遣用五萬名作戰兵而其餘防堵即形單弱此無他今昔異時眾寡異勢昔日足以開勝仗而有餘者今日以之防守而不足也試觀歐羅巴各國勒令通國少壯之人無不當兵

其眾也何如使為吾敵雖以英國極有訓練之兵當之亦總覺相去懸殊也然則英國欲強兵勢舍增額別無斟酌也

觀邇來俄在亞細亞洲一切舉動漸有南行印度之勢因此防印之策又不可不預為之備印度駐紮常額兵向有七萬四千名實不為多蓋必如此方能與印度兵十五萬名相抗也然此等駐印之兵又須揀派老成方能前往苟遣少壯即斷無生路此外尚有埃及並亞非利加二處時局均甚緊急所需英兵亦

有增無減至英國水師兵額現既年增一年所有屯煤之處亦不得不恃陸軍守衛此所以籌增之額正無限量而顧可忽乎哉

合觀以上所言各節則知添兵一事元帥固自有見地然我等之意尚有一層當為元帥借著籌之英國每年需用兵費錢二十一兆鎊不為不多乃問其利益似無實際此項巨款無非籌之於眾為此人言嘖嘖皆以為得不償失此後除養老費每年需錢三兆五十萬鎊不能稍減外如兵官兵丁應用服色等項元帥仍踵前弊不為賤價是以有用之款糜費無用之地恐人心不願又將羣起阻撓矣然此猶其小焉所慮者招募不易耳目前英國已有之兵連水師十萬名計共三十二萬名此項均係臨時招齊並無勒令充當者或遣往外國或

分布赤帶統行推算已須二十四家內出兵一名雖爲數尙覺不多而欲其在熱地受諸苦楚竊恐招而不至故招之之道又非增其兵餉優其養老不足以引誘雖然此二者尙虞其不能如願也則亦惟有勒令一法而已譯日本每月報西十一月

二十
五號

論英國首相退位議

目下紛紛謠傳謂英國宰相Herbert Asquith君有告退之意向英廷求請開缺英新聞紙論沙侯並無大病且亦非不能耐勞此言如果屬實恐其中尙有別情夫沙侯位居宰輔並兼領外部大臣事務爲國家所依恃責任何等繁難倘竟隨其所欲解組歸田不獨鈞衡職重繼起無人卽外部一缺接代亦甚難其選蓋沙侯自兼外部以來雖未嘗策大勳立大謀爲人所不能爲之事然歷年已久毫無過失卽偶有一二微疵亦因屈於政府會議所致今一旦忽萌此念殆以一身兩役任大事煩際此時局多艱變端百出深恐隕越貽羞有虧晚節故不如退老山林之爲得也然此皆外人測度之詞總求沙侯乃心王室不辭汎瘁實爲至幸卽萬不得已矢志退位可開去外部之任俾資調息而相位仍須勉留也譯北中國每日報西十二月六號

日本維新守舊兩黨論兵備

邇來日本講求武備一意爭強凡歐亞各國無不深知吾人就事而論各抒所見正毋庸爲之隱諱也按日人向分兩黨其積不相能之處實與英之守舊維新無殊然當中日肇事後日人進逼遼東此兩黨皆同深欣慰嗣因俄人殷勤商勸日政府屈於俄議允將旅順退還中國並許不於亞洲正洲之上占據寸土重違兩黨之願於是刺俄入骨各欲籌添武備冀與俄抗當聚議時一則謂日人兵勢向恃水師與英彷彿故添兵當以水師爲主陸軍可以從緩一則謂目下如果增兵水陸均關緊要不可顧此失彼合觀兩黨之言雖意見懸殊固同一公忠爲國未可厚非然以旁觀論之遼東究非日本版圖卽以俄故而退讓與兵敗失地者各別如謂旣得復失有關體面則較之二十五年前法爲德敗連失兩省又將何如耶況現觀俄人舉動於東方兵備專意求謀不遺餘力亦非無心將來日人能否與之抗敵殊難逆睹設竟開釁大可慮也

中國允賠兵費祇敷購艦造屋之需際此工價異常昂貴貨價亦復飛漲之時國家度支已形短絀使再籌軍加一巨款非借債增稅不辦故兩黨中之洞悉時局者已漸回意深願息兵安民俾一切製造商務得以次第舉行保護利權且果與俄消弭

隙怨共享太平。則日本陸軍先可裁撤。受益更多。蓋以各國情形而論。中高遲三國。斷不至與日再開兵釁也。

故本報之意。日本如果籌添武備。所損實多。受益卒鮮。目前至計。莫如借鑑於英。一切措置。悉與英同。觀英歷年以來。並未於亞洲正洲之上。得一城池。據一土地。則日亦祇可於太平洋各島。擴充疆宇。而不可於亞細亞洲生一覬覦之心。如此則陸軍即可撤去。其利益豈有限量哉。譯日本每日報西十一月二十五號

日本訊辦英國兵艦華人

近有英國兵艦駛抵日本。停泊箱館口外。船中有所用華人數名。約同登岸聚賭。為日本巡捕拘獲。解送日本理事署訊究。事為駐紮東京英國公使陸德聞知。即日函致日本外務署。請其釋回。畧謂所拘華人。係英兵船所用。按照公法。應歸英國自行訊辦。云云。日人接函後。當即照覆。謂近來中日新訂和約。載明凡華人之在日本內地犯事者。應歸日官處置。雖外國兵船。不在此例。而該華人等在船犯賭。日人拘拿。即係不諳公法。今既犯於岸上。是應日人拘訊。況該華人等並未在香港註冊。隸入英籍。貴公使豈能為之袒護等云。此案遂仍由日官承審。按查日本向例。不獨外國兵船員弁水手人等。一經登岸肇事。應歸日官辦理。即遇別國使臣業已交卸者。若

遇本國兵輪到埠。亦祇視作他國之船。無權拘管。回憶數十年前。英國使臣巴夏里。駐紮橫濱時。有一華人侍者。偽造日國銀票。隱藏混用。為巴夏里親自查出。當將其人交與日官。按照陸路軍法定罪。蓋因公使署內。未便將此等案情登冊故也。彼時日本律例。尚未大備。已能如此。今事同一轍。有所藉口。尙安望其釋放哉。譯倫敦東方報西十月廿九號

論日本錢幣情形

目下日本錢根之緊。已至其極。大坂所存之錢。日見其絀。百貨之價。亦因此日跌。將來跌至如何而止。尚難預料。當一千八百九十三年終。日本通行銀圓。祇有一百七十兆。今則增至二百零五兆。每百分中。約增二十分之數。然各商資本。既多。生意亦廣。生意廣。則資本又復分散。故雖增二十分。祇可作十分算。百貨之價。雖跌。較之兵事以前。尚覺百分中漲起四十分。統而計之。約淨增銀圓三十分。此其故。因日人邇年推廣兵備。約用二百兆圓。又中國賠償進一巨款。又日人當開仗時。借債籌餉。以及別項意外開銷。所出不資。俾中下商人均獲厚利。致有如是驟增也。然則目前貨價雖跌。亦斷不至十分短小。惟錢根之緊。恐終不免耳。

自日政府改用金錢至今。所有中國商務。殊形減色。蓋華人當各種貿易之時。皆藉

口於金錢受虧每購一貨必使短價而後已向來中日商人往來甚少實因中國內地情形日人未能洞悉所以棉紗海味洋火種種貨物均覺滯消現大坂商務局察知其故業經糾立一會專備講求中國內地生意以免將來再有受虧之處以上譯日本報西十一月二十六號

法國農務

駐法英國商務隨員報稱法國農務較之前二年無甚懸殊惟法國所種雜糧實多於英除麥子牲口蔬菜以外尚有酒糖絲雞鴨諸物其中以麥子出數為最多種麥所占之地亦較各種五穀多至一倍計麥地約有十五兆英畝出麥三百二十七兆英斗大麥地約有九兆半英畝出大麥二百七十三兆二十五萬英斗雜麥地約有二兆二十五萬英畝出雜麥四十八兆英斗小麥地約有七兆七十五萬英畝出小麥六十七兆英斗以視十年前每畝所出之數有增無減其故因法人講求農務設有務農會及務農公司認真考察肥田之法所致自近年來培植愈形精美所需肥田之物加用三倍觀內地所運之貨百分中有二十分係肥田之料即明證也外邦運來糧食因此亦形短少計一千八百九十四年共運來九十九兆英斗至九十五年即減為四十三兆英斗九十六年更減至三十五兆英斗本國進口麥子不納稅

款因為碾粉出口起見去年計出二十一兆英斗此外所養牲畜亦甚平穩統觀法國之人務農者實居其半故得出口日盛進口日稀而法人因一千八百九十七年荒年之故邇來又欲籌一保荒之策創立保險公司以爲先事預防惟如何設施之處尙未定一俟成再當具報云譯太晤士報西十月廿七號

印度茶葉商務

印度商務以巴斯國之東北二方爲主邇爲俄人覬覦隱謀攘奪觀印度報載俄人經營茶務一事即可知矣俄人初意欲勸令駐巴之印商逕向中國購茶運赴該處奪取由印轉運以免周折嗣因印商不肯遵行俄人遂擬自向中國購茶運赴該處奪取利權此事俄人如果舉行印度茶務定行減色蓋中亞細亞洲所消之茶當二十年前均由印商向中國購運而至邇來雖有他國販運然尙以印度爲首如此時再爲俄人購消則印度商務不減而自減矣故爲印度計目前急宜設法攔阻庶可挽回權利其攔阻之法莫妙印商焙製一種最好之茶味欲其佳價則從廉與俄競消好在由印度運消其阿夫汗處可以無須納稅然製就之後必須印商先向購者兜攬切弗任購者自來問價則庶幾耳譯北中國每日報西十二月三號

英國郵政局第三十四次歲報

英國郵政總局第三十四次造報一千八百九十六年四月起至九十七年三月底止一年之中共遞寄之信一千八百九十三兆較上年每千分中計增二十二分核計每十人約寄四百七十九封明信片共三千三百六十五兆較上年每千分中計增七十分核計每十人約計八十五張書本印件共六千九百七十九兆五十分較上年每千分中計增三十八分核計每十人約寄一百七十六件新聞紙共一百五十兆六十萬紙指包六十三兆七十一萬五千件較上年每千分中計增五十二分總計共三千一百四十一兆七十一萬五千件此外其無從投遞之滙票退回原局者共值英金六十四萬三千一百七十一鎊其無住址者約值英金四千六百九十二鎊又一年之中所發電報共七十九兆四十二萬三千五百五十六紙較上年淨增半兆有餘其中內地各報計六十五兆五十六萬一千八百七十七紙銀行積蓄一千八百九十六年英國積蓄銀行之帳存銀者有十二兆六十三萬八千三百零七人計英金三十六兆二十五萬八千三百五十鎊較上年終存銀者僅十一兆二十八萬四千九百七十七人計英金三十二兆零七萬八千六百六十鎊所增之數頗鉅蓋亦自有銀行以來所未有也

譯倫敦東方報西十月廿九號

英俄在中亞細亞茶務情形

駐波斯國之英總領事報稱俄人於中西亞洲辦茶之事甚為詳細據云從前販賣中印茶商由拔頭亞叭等處運赴中西亞銷售者今皆改道於扒擋城上年終俄人有在青海西境卜加拉米者皆云此後購辦中國絲茶或由駐華俄商購辦運運該處或託印度潑虛浮商人購辦取道扒擋城運入俄境雖潑虛浮商人均係英籍將來未必允從而駐卜之俄人與駐華之俄商現已聯絡一氣各願改道然此事於印商尚不至於有礙因駐卜之印商仍可由孟買轉運也由孟買紆道卜加拉而至於扒擋行期約須三十六天至五十天較之取道波國運費稍賤而印商反覺不願者緣是處須現銀納稅不如繞道波國商人能為代墊俟運貨到俄後方向收回耳

譯泰晤士報西十一月二號

中外雜誌

東省述聞

前日山東濟南府地方官報稱新簡巡撫張汝梅已於上月三十號

接任視事

又北京來信云慶親王李中堂鴻章張戶部蔭桓現已會同德國使臣

海靖開議山東教案之事

譯北中國每日報西十二月十三號

蘇省近事

吳淞自強軍所延德國兵官現中國有辭退之議南京劉制軍坤

因膠州開教之事恐所屬內地或有土匪乘間騷擾當即電飭通屬城鎮鄉村一

律舉辦團練以防不虞譯北中國每日報
西十二月十三號

江督戒嚴 中國兩江總督邇來通飭各屬海口一律加意防堵其意蓋恐再有膠州變故也譯日本每日報西
十二月二十九號

英國擬據九龍地方 現駐北京英國使臣人皆謂其優於辦事然觀其屢遇交涉事件實未嘗有爭先之處如果使臣早能仿效德國舉動所有中國南省土地何難盡為英有夫我英人欲占九龍蓄心已久迄今未果者亦因據有此地方能保護香港中國耳設使香港口岸一旦落於俄德法三國之手中國始知掣肘不已晚乎此時中國即以交誼起見將九龍讓歸英人亦無不可何則他國動輒恃強霸取而英則並不出此也譯日本西十一月
每日報二十九號

俄調水師 傳聞俄國水師現已由敷來地發斯多克而出譯日本每日報
西十一月二十九號

俄借高麗口岸 漢城來電謂俄國向高麗政府商借仁川口岸為俄兵艦下棧之所譯日本每日報西
十一月二十六號

俄員偵探礦苗 德報載云俄國前派偵探金礦人員一隊已在西伯利亞東境屋可次海岸探得金礦十二處內有數處苗質地三者俱佳現該人員等擬就彼處度冬業已預備一切俟明春再行續探云譯倫敦東方報西
十月二十九號

俄京銀行 俄國新聞紙論俄京商家銀行雖有九處合資本銀一百二十一兆羅布然其所做生意貪多務得不求穩當蓋有一銀行資本祇七兆羅布而放債竟有十六兆羅布又一銀行資本十九兆羅布而放債竟至二十一兆羅布故實計九家資本祇一百餘兆所云一百三十一兆者指其放帳而言似此舉動非銀行所宜有也譯太晤士報西
十一月廿六號

俄國新鑄銀圓 俄政府近日諭令鑄局開鑄新式銀圓數十萬羅布一面鑄刻俄文一面鑄刻華文蓋因俄在滿洲興築鐵路所需員弁工匠薪資即以此項銀圓發給俾俄中之人均可持用以免阻礙現已鑄成由法國馬西爾埠裝船運赴海參崴即運春也譯倫敦東方報西
十月二十九號

英艦開赴旅順 昨日停泊上海之英國兵艦 H.M.S. Pique 格 接到該國來電派往吳淞聽候續電昨晚子刻動身有在吳淞裝煤之說據吳淞來報謂該艦已經出口外間傳說係開往旅順口譯北中國每日報
西十二月十三號

美員考驗星質 往探北冰洋之美國百總官沛立近由紐約回國載有隕星三顆大莫與京據云是星係一千八百九十四年五月間在美物爾海灣地方所

得檢取之時。適逢雪霧交加。目難開視。故五晝夜後。方能昇諸船上。誠非易事。現經考驗。內一顆名推恒脫。計長十一尺二寸。寬七尺六寸。厚六寸。重百噸。其色黑赤。其質與古銅無異。其面並有孔竅。係淡綠色。當驗得中含鐵質九成二。臬克爾八分。譯倫敦東方報西十月二十九號

美國禁捕海獺 美官橋勝因近來白令海面海獺缺少之故。特致函紐約報館。畧謂英美之人。羣赴白令捕殺海獺。從無空手而回。雖前者稅司冊內。曾載明本國之人。不准海盜捕殺海獺等情。然現有西人名福司得者。倡議力爭。擬即設法禁阻云。譯倫敦東方報西十月二十九號

日本商務

仰光緬甸海峽報謂自中日兵事以來。日人商務大有蒸蒸日上之勢。即就仰光而論。已可知矣。約舉數端列後。一仰光在即可開設日本銀行。二自來火運往緬滇。除值百抽五完稅外。一阿納小銅錢。可買十匣。較之瑞典國運來自來火。一匣須價一文半錢者見好。三日本運來之傘。每把祇須錢一魯庇。四阿納與從前外洋之傘。每把須四五阿納者同。四日本腳踏車。堅固合用。無異歐羅巴及美國之車。然價省其半。譯日本每日報西十一月二十九號

日本大坂市情

大坂錢幣缺乏。市情艱窘異常。譯日本每日報西十一月十五號

血液治病

孟推物杜衛身院監督。術師山那米立。曾當眾宣言曰。凡禽獸血中。

白液。皆能療治黃疸病。其功用與馬血液無殊。嗣後如有患此病者。均可取用云云。然聞者總以未經考驗。不敢輕用。蓋醫術一道。生死有關。故不得不為此鄭重也。譯倫敦東方報西十月廿九號

路透電音

德君當議院開議時。揚言於眾曰。本國水師不足。必須籌添。然我意並非欲與頭等水師強盛之國抗衡。實因水師有關國體。少則難壯觀瞻。爾紳等務即設法籌補。俾我國軍威。得以播揚於外。我有胞弟一人。現亦派令統帶兵艦。以示鼓勵。至此次派兵占據膠州。非僅為索償賠費起見。因教士死傷甚慘。欲藉此禁止將來。不再有此等可憫之事。奧國現已定前教部大臣 Dr. Baron P. Gautsch von Frankenthurn 招齊

新政府

Prussia 臘格百姓。邇又大亂。西十一月二號 卜臘格地方人民。暨他處人民。與

德國人鬩關。經德國派兵丁十二隊。前往彈壓。時相鬪敵。德兵開鎗擊斃多人。西十一月二號 卜臘格現已照軍法從事。所有守衛之兵。業經增添。德國派至中國之

快船。大約將多帶額外水軍隊。西十一月四號 德國派赴膠州之水師。帶有水軍隊一千

四百名並行軍機器等砲位。卜臘格連日雖較安謐然他處城鎮仍時常與德人鬧事。至Vienne那政府現已較好大有君主獨權之勢。土耳其與希臘條約業已簽押。西十二月六號 德國赴膠之兵約有四千五百名。德國外部大臣議論占膠之事曰德人每受中國之虧故雖願與中國敦睦交誼然萬不能任中國看待德人有較他國差池之處德人雖不欲侵占歐洲各國利權然他國亦斷不禁阻德人收回應有利權。有德國兵船兩艘開赴Heligoland海地向遞良的美敦書限於八下鐘內索償賠款緣有德人名Leander者無罪被戕當時境內人民聞知皆騷然不甯所有駐彼處之法德人均逃至本國兵船中暫避。西十二月七號 英國兵部尚書宣言曰按我條程英陸軍應分為三大部以一部作防守以二部為戰攻並隨時調遣小隊赴印度及各藩屬巡街步隊應分為四起其臨時所招老兵章程可以畧改糧餉應從豐給每名每天計一先令不折不扣此外招兵須當差三年期滿時或歸入老兵隊或續當差一期悉聽其便至砲隊更當加意講求。西十二月十號 德人所索海地各款海地俱已允許。傳聞中國國家謂此次德人之事不獨無理且違萬國公法倘各有約之國坐視德人占據不問中國曾否允許皆作為不敦友誼之舉動。西十二月十一號

東文報譯

日本古城貞吉譯

諸新報論德據膠州事

譯國民新報 西十一月廿六號

德國據有中國之膠州於是諸新報轟然論焉均謂德國不循交涉常道驟出於威權之舉為不合也。今彙列諸報所論如左。日本西字報云吾於德人此次之舉頗深疑怪蓋德教士之被殺於山東在十一月初一日而德人據有膠州即在月之十八日其間日期甚為短促於此短促之日期內果能循交涉之常道乎果自教士被戕之地詳報北京署理公使自署理公使報告現游歷漢口之公使自漢口公使具報德京柏靈自柏靈移會駐中國之公使然後駐中國之公使更傳命於德國艦隊提督而行此事乎抑由德京傳咨中國總理衙門總理衙門以不認此事見復或中國延遲不答已逾德所限之期內故出此舉乎其間種種情節最可疑惑今觀德所要請中國條款中有宜賠償派遣戰艦之費則知德人不待中國回答遂據膠州而後再為此要請果然則德人豈能免各國之議刺哉譬如先扼其咽喉而後進醫藥是所以待犬馬之道非待人類之道也。由是觀之德國要請賠償被害之費於中國猶為可也而其欲要請之方法則未盡善也。西字捷報云德人佔據膠州未可視為不經意之事亦不得謂德公使意存擅專出此蠻野相待未有前例之令也。蓋其意有

二焉。一在明示中國以歐洲人生命極貴。一在使德人明知如無海軍保護。則未足以保衛在外人民也。又讀賣新報云。德國此舉。頗嫌急躁。極爲未善。然必有由也。若僅以一教士被殺之故。未盡交涉之常例。遽佔據其土地。是殆劫盜之行耳。在德人必有深意。惟未能詳知其事。故亦未易斷其事之當否也。時事新報云。德據膠州灣。雖出於鹵莽之舉。然未能視爲出於一時錯誤也。就其迹而觀之。蓋以教士被殺爲好機會。藉端出此。況膠州灣。本爲俄國藥籠中物。德人知之。而毅然出此。蓋必有深意存乎其間矣。東京日日報云。德國所爲。不依平常交涉之法。而出於非常激變之謀。以據有東洋之要地。我國外務衙門。豈得以雲煙過眼視之哉。宜亟詰問德國國家之志所在。期得其明答。蓋此不獨可質疑中德之事。卽所以爲東洋持平和之政策也。東京朝日報云。德國爲中國盜殺其二教士。故要請賠銀六十萬兩。已爲意外之舉。且中國視膠州灣。爲海軍要地。今德人初未盡外交之常道。復突據其港灣。以威嚇中國官民。何其暴也。嗚呼。是豈以公正平和爲宗旨。國家所宜默而息哉。

德據膠州之由

中東之役。和議甫定。當是時。德國倡議曰。割遼東一帶於日本。非所以保持東方和

譯大阪朝日報西十一月三十號

局也。羣勸日本還於中國。其仗義執言。昭然在人耳目。今忽據有膠州。何其暴也。今德人所藉口者。不過盜殺教士耳。然推其事之所由來。則何嘗起於今日也。蓋德人於遼東之事。施惠於中國。而欲求報於中國者久矣。前十月間。德人測量福建省三叉灣。又垂涎於金門島。蓋欲據爲海軍根本之地。德國諸新報。均謂此舉甚好。及上月德國公使請於中國總署。迫借三叉灣。并云無已。則借三都島亦可。而中國因循未決。及德國教士被殺之前五日。德艦實已測量膠州海灣。當在艦據該州之前十四日也。且夫德之所以悍然爲此事者何也。蓋德國國家。將議擴增海軍經費於議會。社會黨及中立黨等員。僉謂不可。議論紛紛。新報亦屢論及此。苟如此。則國家所欲行之意。恐不能成。故藉事端於外。以明增擴海軍之用意。是德國政府之苦心也。適中國有教士被殺之事。殆彼所謂機不可失者耶。

記三沙灣形勢

譯國民新報西十一月二十五號

三沙灣在福州與廈門之間。形勢極佳。灣口窄狹。不過一英里。灣內水面廣闊。深可十二尋。淺處亦可七尋。灣內有一小島。曰三都島。島亦有一港。足以進出船舶。如此天然形勢。苟佐以人工。而爲港埠。則鞏固莫若焉。豈不優於膠州灣萬萬乎。凡各國以艦隊據有他國屬土。必有深意存其中。當平居無事之日。預設蓄煤繕艦之所。

以備一朝之變。若果因軍事起見。則三沙灣之地方形勢。最爲穩適。況據有此地。非惟足以握中國南方一帶之海權。并可南控臺灣。東制南洋諸島。南扼香港。以北之海岸。各國注目於此地。固非偶然耳。德國昔嘗垂涎於此。屢來測量。卽英艦亦下棹於三沙灣內。至今猶未他徙也。

中人憤言

譯大阪朝日報 西十一月二十九號

中國人某君。現駐日本。頃接膠事飛報。不勝慷慨激昂。扼腕怒髮。語客云。我滿清立國於東洋。迄今二百餘年。邦域之大。人民之衆。冠於他邦。惟當軸之策外交者。漫自尊大。不諳宇內之大勢。交涉之權利。以致禍患迭興。變故叠出。紛紛擾擾。遂歲增多。國家之威權日削。朝廷之振作不聞。念及將來之事。轉有不勝悽惻之情矣。屈指歷年受侮之端。前有焚燒鴉片之亂。英法聯合之役。復有法國之侵掠。近有日本之爭戰。創痍未復。奇禍又來。今又有膠州之事。此事雖未知何所底止。然德人包藏禍心。要請於我國家。頗存奢念。豈尋常和議之例可以了之哉。所惜我滿清政府。拙劣昏昧。屢招外侮。留傳不磨之污名於青史。可勝浩歎耶。總之吾國家在位有司。大都委靡迂道。不識宇內之大勢。徒知有身家而不知有國家。故置國家之消長存亡於不問。徒以私妻子。保富貴。煖衣飽食爲上策耳。有司如此。況下民乎。下民如是。如國家何。及外事方急。則上下震駭。不知所措。終之貽笑於外國。嗚呼。我國家其果無人邪。蓋非無人也。實坐於不知內外之大勢耳。及今日而猶不警醒。則恐終爲異種人所翦滅。而奉命於異種人矣。噫。

俄德關係

譯日本新報 西十一月廿七

德與俄之交際。某君云。德俄二國之交際。本未極爲親密。且頗有齟齬之情。如俄政府欲使德人住在俄國管屬內波羅的海伯魯賓斯者。強奉俄國正朔。頗涉威制。故德人引爲深恨焉。

俄國外交策。俄人外交。本有一種異例。卽德皇往訪俄皇。德俄爲親戚之國。故俄皇優待德皇。而在俄國人民。反漠視焉。猶越人視秦人之肥瘠。若法總統往訪俄皇之時。則俄國人民。大爲懼洽。此可以知俄法交親之意。故德人更惡之。而稍有以忌之焉。其他德俄不甚相得之事。極多。舉此以例其餘可耳。

膠州灣。今據有膠州灣者。非德人卽俄人也。俄欲得不凍冰之埠口於東洋久矣。膠州灣地勢雄固。俄人素所垂涎。非始於近日也。然終未嘗逞志。德人忽染指於此。何也。夫德之兵力未及俄也。豈足遽爲俄敵哉。然則德人此舉。實出於俄德暗約耳。誠如是。則俄人必望報於德。吾恐俄人將受報於土耳其之地。

故先許德人以東方之利權也。

論德皇外交 續第四十八冊

譯東京日日報 西十一月十四

距今七年以前。俾公罷相。人皆謂歐洲之霸權已在德皇掌握。何則。先是俾公之定政策。宏深偉大。一定不易。德國因此得握列國形勢之中樞。當是時。不論讎視公者。友視公者。皆莫解公何以得成此勢力。而羣推公爲歐洲紛爭調停之盟主者。則無異辭也。往時法國擬復讐於德。則歐洲之禍階方長。而公先聯合歐洲全土以拒法。然此事談何容易。況當時英俄兩國與法相親。且別有一種關係。獨不能與德相均。又加以奧俄之相爭。奧意之相競。今雖欲驟聯合諸國爲一。以制法。豈可必得哉。乃俾公深藏熟籌於胸中。龜勉匪怠。每遇機會。能巧用之。卒成其志。是爲一千八百七十八年之事也。一日俾公嘗坐談云。英國若下手於埃及。則我國不關焉。法國或染指於突尼斯。我國亦不關焉。一任其爲可耳。英法二國均於德國所料者。而逞其志。於是德奧之盟成。及法人之占突尼斯也。意人激昂而起。德遂引意國入於德奧之盟。而三國同盟乃成。由是觀之。俾公播種於柏林會議。而收實於此時也。英國之占埃及也。法人以英爲敵。於是英國不得不保護其人民之在地中海之利益。乃結好意奧。復與俾公

通。當當時雖未實結英德之盟。而德既擯法。則聯英之志遂成。得不謂之深謀乎。

俄相哥兒渣骨夫之死。實爲德相俾公之幸。機運由此而開矣。當是時。俾公所行政策。縱恣奔放。傍若無人。夫俄均爲德奧之讐敵。德之訂盟於奧。實爲同敵。俄也。然俾公又密訂專約於俄云。如有外患。互守局外中立之例。此俾公實賣其與國也。然謀大功者。不顧細節。俾公之爲此二盟。實欲使法孤立於歐洲也。法既孤立。則歐洲列國。賴德爲重。凡德所策必中。德國霸權成矣。雖然。此權謀術數之行。恐未必能永遠不敗。俾公在位。則此策可以維持。倘一旦罷相。則與國將羣疑其遺策。而漸生疑心。必致列國解散也。德先皇晚年。稍有鑒於此。泣語公云。卿之治國。猶馬戲師乎。疾驅奔馬。舞劍弄球。未嘗拋失一球。朕每見卿輒思馬戲師。此言俾公自語於先皇崩後也。及先皇崩。同盟列國。皆有憂色。謂俾公之與新皇。果得水魚之歡乎。抑不能繼明良之慶乎。苟新君不合。則俾公所畫政策。必敗壞矣。於是新皇即位。未幾。俄皇歷山三世親會俾公於德京。伯靈。談論移時。俄皇聽俾公談畢。俄皇問俾公云。卿說誠然。朕與卿所見畧同。朕信卿而不疑也。雖然。試問卿。卿果能保久於相位乎。俾公聞言。頗驚異。撫然凝

視俄皇良久云。但臣命一日存。則當一日在相位也。不意未及五月。俾公驟罷相。使俄皇成先見之明。俾公既罷。而其政策更變。無復舊觀。蓋俾公與新皇不相容者。不在外政之故。而在內治之事耳。及俾公去職後。新相卡夫利維繼其任。乃謂不宜遵前相之遺策。當改絃而更張之。遂稍以寬柔調停為策。於是內則寬假社會黨人。外則斥俄相欲再訂之密約。然卡夫利維親睦俄國之意。則初未曾少衰。惟歐洲之大勢。大異昔日。新相所見。適致誤謬也。蓋俄皇雖度量狹隘。尚能知俾公之為人。與其所行之政策。而未識新相之為人。新相亦未知新皇之為人也。此時非有局外中立之約於德。則不可不別求三國同盟之道。此事不獨俄皇為然。即俄國上下所見。亦殆如是。不然。俄國必孤矣。嗣於一千八百九十年八月。德皇因事親至俄京。而俄皇相待。不甚懽洽。但如尋常之貴賓。德皇亦不悅滋甚。此可以參其間消息也。明年俄法有交親之意。俄皇贈寶星牌與法總統卡兒諾。及其內閣大臣。夫列是提。其命意所在。列國所共知。蓋俾公深惡此事。頗致力於俄法相沮之策。然今已如此。亦無如何矣。雖然。新相之意。欲更求一與國以敵俄法同盟。當是英國尚足為與國。在英國與二國同盟之關係稍密。且英德在東部非洲爭訟。亦稍妥適。故德國外務大臣。親訪英

相沙力士勃雷侯。有所商議。而法國艦隊。亦往訪俄之。苦倫斯打得。彼此聯約。兩兩互見。則生面將開於歐洲列國間矣。顧德皇雖不能指斥法國。使其孤立於列國之間。然未嘗有大過失。致墜其霸權也。且其與英國日親。足以償俄之日疏。而有餘。歐洲列國。時局更新。而德皇於保持歐洲之和局。亦更緊矣。但當時法國已脫其孤立之境。方以俄為奧援。故德皇心緒不定。燥急難堪。雖寬假社會黨之權。然社會黨未必服從德皇政策。德皇又引為憤懣焉。復見英與奧俄合訂條約。減輸進穀物稅餉。意頗拂然。於是羣不逞之徒。謂其機可乘。乃共攻擊卡夫利維政策。以鳴其非。德皇為所惑。至一千八百九十四年十月。卡夫利維遂罷相。而德國政策。乃大變矣。繼卡夫利維者。為喝很魯黑。常奉教於俾斯麥。而英德之交。日以疏。德皇排英之政。尤屬燥暴。適見其才畧之短。今夫德所以能霸於歐洲者。實有英援故也。苟無此。則德國非特不能抗俄法同盟。恐復不能稱雄於奧意也。德皇自送提電於苦路奚兒以後。國威頓墜。人人不復稱其霸。於是俄外務大臣魯馬能務。謂德之失。我之利也。乃代德霸於歐洲。所謀必遂。所策必中。遽為歐洲之雄國。德皇特為其爪牙耳。今試覆視俾公罷相以後。德國情形。可畧舉焉。一曰德國失墜歐洲之霸權。二曰俄國代德握霸權。三曰

法為俄之與國。四曰三國同盟。即謂德奧意之同盟。幾瓦解。五曰英國不為德之利。六曰俄德之交既散。而不能復訂舊盟。此數者。實為德國之實情。近德皇復欲聯歐洲五大國。為疏屏英國之策。然此事即癡人。誰敢謂其必成哉。其所可逆料者。苟德皇此策不能成。則德為歐洲之孤立而已。

暹羅貿易情形

譯讀賣新報 西十一月二十六號

英國駐暹羅領事具報其本國曰。該國今年貿易總數。得五百十四萬七千二百十三鎊。較諸昨年。實增多百分之七。如無銀價低落之事。則當增多百分之十五也。查貿易總數內。暹羅所輸出者。為三百萬鎊。而米穀實居二百萬鎊。材木次之。蓋米穀一項。輸香港者居大半。或輸新加坡。現在暹京搗米所。設有五局。而英人專管其三局。該國搬運之便。全賴水利。雖有鐵路。然惟暹京至亞俞西亞。其間里程。不過七十七基路米突耳。該國地方。多用英國製貨。其餘他國貨物。銷路頗少。哥兒陳者。為該國著名之鑛坑。然現為英法人所管理。暹京頃於文明。大有進步。該府盛用電氣。有比利時人。為該國家司法顧問大臣。頗有政績。有英人為財政顧問大臣。亦有循聲。況且國王精勵圖治。度不出數年。必有一切新政也。

無事為香忱可笑。可歎設移此款項。豈非疏者言之而易入。親者言之而反扞乎。其於學塾等事。必有斐然可觀者矣。

錮蔽之不易開者二也。墨氏尚同之悖。曰興天下之利。除天下之害。故有相愛生。有不相愛生。纏足之弊。不相愛生也。害存則利亡。對舉互見。理自顯然。而今人則曰。吾將待利之至。而始去之也。是何異豐年未至。不思去莠。大年未屆。無暇攝生。獨惜其謀之不早耳。近日聯會之舉。集款既非易措。置又豈一朝而闕者。不諒苦衷。以為事之成否不可知。彼固飾美言以誑我也。又恐會籍已入。束帶已解。而事卒不成。考其年歲則自幼而長。察其骨幹則自柔而強。西轡之效則工。潘步之織則拙。故甯守前古之所同。勿為近今之所獨。其錮蔽之不易開者三也。去其三蔽。宜籌善法。不揣樛昧。畧擬如下。一急籌塾款。以應要需也。開辦伊始。入會尚少。集款更難。暢旺惟應辦之事甚多。倘必待款舉辦。恐先已懈。舉世嚮往之心。於事終無所補。不如先圖移借。稍稍布置。規模從隘。當無不可。必使人人知會中此舉。志在必成。一鼓作氣。以招之人。亦一鼓作氣。以應之。助款之來。隨之俱盛。定可操券。收款後除加息繳還。塾款外。方准動用。如是則款易得。而事易成也。一擬設學校。以廣招徠也。擇風土清嘉之地。擬立總學一所。章程中表明來春試辦。歲中察報會多寡。酌定學額。總計一處滿百人以上者。准其挨次入額。以示寵異。其不及百人者。以少從多。附入相近分

會處所不得越次年終刊刻總籍暫以報名先後為序俟經費足敷擴充然後編姓分籍有所冀望於後必知捷足登先此總學之不可不立也一日重倡始以示鼓勵也大抵積習既深翻然圖變不慮無附和之人而難在發端之始就近地言之蕩口居梁溪之東與蘇郡長洲為鄰貧家婦女或治田或傭工或養蠶絲自食其力者大都無一纏足經商之家十得二三大抵視其家計何如家計漸大則女子之足漸小讀書之家百不得一此一隅之風氣耳若溪西北無貧富一律纏足常郡除金匱東南鄉不纏足者蓋寡一見異類環顧大譁非得一二紳官之家深明大義破除閭律斷不足以開風氣故倡始之人計必有以鼓勵之以收羣策羣力之效鼓勵之法厥有二端一學塾之中每府縣始倡之家儘先入額他日會中利益亦准儘先均霑此一法也一會中酌備書籍如時務知新湘農等報許其呈明定某種一種為限由會中按期送閱不取價值其不願報者准其將此項改書助款此一法也一兼設女董以廣勸導也由總會選擇讀書明理年在三十以上之人能令自解所縛理身說法尤易動聽否則亦須畧改妝飾如未三四人小分會處就地選擇無則由分會兼理每月巡遊一次所給花粉資以經費多寡定殿最設女董則內外隔絕之弊可無慮矣一廣送說帖以代口舌也四川周茂

才啟及招商局陳君所刊尊會諒早羅致並宜印成隨歌行分送義取淺顯不嫌俚俗淺學所不易解者不妨就意酌參必使不讀書不識字之人聞言立解斯為上乘開會之始隨各新報分送外凡設會處每入冊一名給書二分使其推廣分送似亦不勞而理之法也廣說帖則勸導不及之地可週知矣以上謬擬數條知主會諸公精心攷察必在抉摘之中惟冀有以正之幸甚

湖南吳溫仲來書

會中諸君挽回澆俗不遺餘力戒纏足一事洵可補生成之缺憾脫婦女之沈寃生佛萬家更無匹偶矣剛髻齡之年即聞家太人言婦女纏足之苦欲納散足之女以為先路之導竟以積習難返嘖嘖人言遲之又久以至客冬繙閱時務報中有戒纏足敘一篇怦然心動即有舜人也我亦人也之志倡立岳州戒纏足會至今已邀四五十人欲在一年之內邀滿百人每年九月作一會以期隨地振奮鼓盪同人尚望時賜教言匡其不及幸甚剛有小兒三歲已配會中余純甫之女約定不纏足矣又章程內有云不強人捐此是至理但即不捐亦可一句恐生人玩忽之心剛意似宜刪去以多少聽人樂輸為主狂瞽之言是否尚乞教正

硬骨閩人來書

會章
時務報館不纏足會之舉實大關乎時局所定章程亦稱周密佩服無已竊謂昔有煌煌明諭尚未能挽回積習今雖得諸公立會以繩之恐亦未必能使海內女子盡不成廢疾也既經諸公良法美意能再請總督巡撫奏請降旨重申禁令通飭各督撫及本地巨紳一體遵行何患積習之不可返耶蓋風氣改變督撫繫之民間表率巨紳有之加以諸公之善導推之廣而行之眾庶幾化洽三年將見徧天下無復糾纏之累矣幸何如之盼何如之因諸公欲集思廣益故抒臆見以冀裁酌

邵崇伯來書

不纏足會服飾想已擬定惟會籍雖繪圖貼說期以盡人皆遵然執一而論恐入會者轉有難色不若於其下注明不仿此而自製服飾者聽便總以勸其不纏足而已外則不必苛求也尤有一者此事未從攷驗必定會中人嫁娶凡同志之在其地者悉柬之往有背例者予以苛罰尊意如何

丁敬侯來書

前見時務報有不纏足會彌深欽仰所擬章程均極精細不能贊一詞久思挽此錮習獨力不支今諸君子創此善舉拯中國數兆幼女於水火之中有知識者無不感頌高德矣

楊叔敬來書

昨接讀三十一期報知不纏足會已於六月初一日開辦不勝欣幸竊一介儒生無足齒數惟念平生忝附士林竊以氣節自勵頗為梓里士民所不棄敢乞賜來草籍一本以便廣為勸導冀得力挽積習竊思此事全藉各處縉紳先生提倡自可相習成風現舍親陳伯潛已擬就閩中另立一會勸成纏足並酌定婚嫁章程以挽流俗奢靡之風而示限制倘得有成亦足為大會之一助也

羅佐臣來書

不纏足會執事近閱時務報有論欲興女學會而必先變纏足之弊纏足之弊除然後女學興女學興然後國乃強誠哉此言可為洞悉時弊不愧當今俊傑也而諸君子即首創斯會為之先聲以挽頹風仰見諸君子救世之苦心二萬萬人何幸躬逢斯會得去其舊染之汚而保其自有天然之樂哉將來四方聞風興起源源入會者正未有艾也然事屬草創固難即守成亦非易易猶望諸君子不憚其勞循循善誘實心實力慎始慎終推而行之十八行省則受福豈淺鮮哉僕目覩斯會之成不禁為之雀躍并樂附驥尾敢求將草籍一本寄下俾知會中章程若何或者稍可助萬一歟

孔慧仲來書

纏足弊習。僕尤切痛心。近擬編輯戒纏足錄一書。其跋語先呈台教。諸夏婦女纏足之習。說者謂李後主宦娘作之。備宋熙寧元豐以前。為者尚少。大都風行海內。亦第始於前明耳。相沿至今。若為婦女所當然。而莫能易者。究之違天和于王制。乖人理悖古風。流毒羣生。貽譏萬國。我國家之貧之弱之所由來。風俗之陋之淫之所由極。無不有係乎此。此豈細事乎哉。余性迂愚。自幼學即疑慮焉。憫痛焉。而未敢昌言也。近有仁人達士。以及德門才女。異域賢媛。或著為論說。或聯為公會。以冀挽頽風而扶厄運。殆為事窮則變之一機乎。爰錄其最詳明痛切之作。并其為會條規。以質我鄉里有心世道者。當以先觀為快也歟。

林琴南新樂府

小脚婦 傷纏足之害也

小脚婦。誰家女。裙底弓鞋三寸許。下輕上重怕風吹。一步艱難如萬里。左靠嬖嬖右靠婢。偶然蹴之痛欲死。問君此脚纏何時。奈何負痛無了期。婦言儂不知。五歲六歲纏勝衣。阿娘作履命纏足。指兒尖尖腰兒曲。號天叫地娘不聞。宵宵痛楚五更哭。床頭呼阿娘。女兒疾病娘痛傷。女兒顛跌娘驚惶。兒今脚痛入骨髓。兒自淒涼娘弗忙。阿娘轉笑慰嬌女。阿娘少時亦如汝。但求脚小出人前。短破工夫為汝纏。豈知纏得

接第四十八册

比皆買辦擔承。薩繙譯曰。其意事由買辦擔承。若帳中有短缺。則惟司帳是問。担律師盤問畢。咸律師重問黃永清曰。所說之一千兩。爾未接管帳以前。是問否。已付登買辦支票。後面並經簽字。答是。問四千兩。爾未接管帳以前。是問否。六兩及七百八十一兩。錢等款。爾簽字蓋戳。曾看支票後面簽字否。答我起錢莊取銀送交徐委員。由徐委員收銀後。是否必在支票上蓋戳。答有時寫收訖字之戳。答是。問徐委員收銀後。是否必在支票上蓋戳。答有時寫收訖字樣。有時蓋戳。咸律師重問黃永清。担律師盤問蔣伯恩曰。爾是否共墊銀二萬一千兩。答是。問爾初次墊若干。末次墊若干。答我記不清。可請查支票大約自四月至七月。問其時信隆行有做生意。銀付爾否。答只收船上水脚銀。問然則做生意。資本皆爾之錢。答是。問爾進行有無保人。及虧短情事。徐委員擔保。問如爾有虧短情事。是否由徐委員擔承。答如有錯誤。票等件。徐委員蓋戳。是否即因此故。答我進行時。以事太大。加之生意。我不甚熟悉。因請徐委員保銀一萬兩。否則我不願接辦。徐委員允之。立有保單。現在我處。問保單帶來否。答未帶。問明日可帶來否。答可。問買辦支票。徐委員所以蓋戳。是否因伊作保。答是。問律師曰。我請問邊列士。可惟徐委員是問。否。因伊作保之意。以伊事大。恐行中有虧折。故請徐委員作保。担律師曰。可問否。蔣伯恩之意。以伊事大。恐行中有虧折。故請徐委員作保。担律師曰。可問。委員須賠償信隆行否。答須賠償。問自四月至七月。爾墊銀至二萬一千餘兩之多。又自何日起。爾始收回若干。答日期我記不清。問是五月。抑六月。問爾先供所墊之款。爾由水脚項下收回九千兩。後又說現銀只收到四千兩。其餘五千兩。信隆行強爾認收。答所餘五千兩。邊列士要我登帳。算已收到。午又收到二千兩。然則實在祇收到四千兩。答四千兩。問現銀六月間收到端。款總之。只收回六千兩。尚有一萬五千兩。未清。答是。問然則所墊之二萬。意是否虧折甚大。答是。問然則生意是否無利可圖。答無利。問長江各口。是否因無相宜碼頭。信隆輪船與貨客為難。答無為難之事。問爾不

簽字為據	答我將檢物士同具	問徐委員致爾之信在否	答不在	問爾能尋出	答能	問爾能尋出	答能
事又盤問	答現在招商局	問爾有何照	答英國船主照	問爾未進信隆之前	答江裕	問爾未進信隆之前	答江裕
九號	答現在是	問爾與駕駛人等	答是	問爾接管事	答自六月十五號	問爾接管事	答自六月十五號
接開火	答開火食自我等	問爾等上船	答是	問爾在何時	答六月十五號	問爾在何時	答六月十五號
答我未查其詳	問點交單	答是否由爾交與	答是	問爾第一次	答是	問爾第一次	答是
大副收存	答大副收存	問爾曾查閱	答是	問爾點收後	答是	問爾點收後	答是
號	答是	問爾曾查閱	答是	問爾點收後	答是	問爾點收後	答是
走	答曾試走	問爾因爐門	答不能開行	問爾點收後	答是	問爾點收後	答是
面除管	答管上船後	問爾因爐門	答不能開行	問爾點收後	答是	問爾點收後	答是
方龍開行	答管上船後	問爾因爐門	答不能開行	問爾點收後	答是	問爾點收後	答是
修價有	答管上船後	問爾因爐門	答不能開行	問爾點收後	答是	問爾點收後	答是
糧米居	答管上船後	問爾因爐門	答不能開行	問爾點收後	答是	問爾點收後	答是
過此數	答管上船後	問爾因爐門	答不能開行	問爾點收後	答是	問爾點收後	答是
碼頭	答管上船後	問爾因爐門	答不能開行	問爾點收後	答是	問爾點收後	答是
與鴻安	答管上船後	問爾因爐門	答不能開行	問爾點收後	答是	問爾點收後	答是
被阻	答管上船後	問爾因爐門	答不能開行	問爾點收後	答是	問爾點收後	答是
貨多	答管上船後	問爾因爐門	答不能開行	問爾點收後	答是	問爾點收後	答是
否蒸	答管上船後	問爾因爐門	答不能開行	問爾點收後	答是	問爾點收後	答是
相碰	答管上船後	問爾因爐門	答不能開行	問爾點收後	答是	問爾點收後	答是

